


BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA BREZA
OPĆINSKO PRAVOBRANILAŠTVO
Broj: R-03/25
Breza, 18.03.2025. godine



OPĆINA BREZA

OPĆINSKO VIJEĆE

Stručna služba Općinskog vijeća i Općinskog načelnika

Predmet: Dostava odgovora na „vijećničko pitanje“.-

Na sjednici Općinskog vijeća Breza, održanoj dana 28.02.2025. godine, vijećnik Smailbegović Mirza je u formi vijećničkog pitanja izjavio sljedeće:

„ Rješenjem Konkurencijskog vijeća BiH utvrđeno je da su tri poslovna subjekta usaglasili poslovnu strategiju da utiču na ishod postupka javne nabavke Ugovornog organa Općine Breza na sanaciji puta Breza-Mahmutović Rijeka, dionica Bulbulušići-Grabovik, te je istim izrečena novčana kazna. Utvrđeno je da su dva poslovna subjekta dali izuzetno nisku ponudu čime su eliminisali ostale izvođače da sudjeluju na E-aukciji zbog čega je prvi ponuđač dobio najvišu cijenu. Sve detaljno obrazloženo u odluci Konkurencijskog vijeća BiH broj:UP-04-26-3-003-56/24 od 7.11.2024. godine. Smatram da je ovakvim postupanjem ponuđača nanesena šteta Općini Breza cca 100.000,00 KM predlažem da pravobranilaštvo pokrene postupak nadoknade štete od ponuđača koji su kažnjeni nakon pravosnažnosti rješenja.“

Rješenjem Konkurencijskog vijeća BiH, broj: UP-04-26-3-003-56/24 od 07.11.2024. godine, utvrđeno je da su privredni subjekti „Ado-Trans“ d.o.o. Visoko, „Komgrad-Ze“ d.o.o. Zenica i „Roco Commerce“ d.o.o Livno, u postupku javne nabavke Općine Breza, broj: 726-1-3-6-3-4/23 od 24.02.2023. godine, Sanacija lokalne ceste Breza-Mahmutović Rijeka, zajedničkim djelovanjem dogovorili i usaglasili poslovnu strategiju sa ciljem da utiču na ishod javne nabavke te da su na taj način sklopili zabranjen sporazum u smislu člana 4. st. 1. tačke b) i c) Zakona o konkurenciji kojim su značajno ograničili i narušili tržišnu konkurenciju na relevantnom tržištu. Predmetnim rješenjem su navedenim privrednim subjektima te direktoru Komgrad-Ze d.o.o. Zenica izrečene novčane kazne.

Obavještavamo Vas da smo Vaše pitanje prosljedili nadležnoj općinskoj službi za poslove javnih nabavki, koja ima uvid u cjelokupan spis predmetne javne nabavke, radi izjašnjenja o predmetnom pitanju a koja služba je dužna da se, nakon eventualne pravosnažnosti rješenja Konkurencijskog vijeća BiH, opredijeli i o eventualnom poduzimanju daljih pravnih radnji u ovoj pravnoj stvari te da o svojim utvrđenjima obavijestiti nadležne institucije zadužene za poduzimanje istih.

Sa izjašnjenjem nadležne općinske službe upoznat ćemo Vas po prijemu istog.

Također Vas obavještavamo da smo se donosiocu predmetnog rješenja obratili sa zahtjevom da nam dostave podatke da li je navedeno rješenje postalo pravosnažno sa molbom da nam u tom slučaju dostave rješenje sa klauzulom pravosnažnosti odnosno da nas, u slučaju da su nezadovoljne stranke protiv navedenog rješenja pokrenule upravni spor pred Sudom BiH, blagovremeno obavijeste o ishodu tog postupka.

Po navedenom zahtjevu Konkurencijsko vijeće BiH se, do dana izrade ovog dopisa, nije izjasnilo. Po prijemu odgovora obavijestit ćemo Vas o sadržaju istog.


Dostavljeno:
1x Naslovu
1x a/a



Zamjenik
Općinskog pravobranioca
Dženana Telalović

[Handwritten signature]

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA BREZA
OPĆINSKO PRAVOBRANIILAŠTVO
Broj: R-03/25
Breza, 21.03.2025. godine



OPĆINA BREZA

OPĆINSKO VIJEĆE

Stručna služba Općinskog vijeća i Općinskog načelnika

Predmet: Dopuna odgovora na „vijećničko pitanje“, .-

Na sjednici Općinskog vijeća Breza, održanoj dana 28.02.2025. godine, vijećnik Smailbegović Mirza je u formi vijećničkog pitanja izjavio sljedeće:

„ Rješenjem Konkurencijskog vijeća BiH utvrđeno je da su tri poslovna subjekta usaglasili poslovnu strategiju da utiču na ishod postupka javne nabavke Ugovornog organa Općine Breza na sanaciji puta Breza-Mahmutović Rijeka, dionica Bulbulušići-Grabovik, te je istim izrečena novčana kazna. Utvrđeno je da su dva poslovna subjekta dali izuzetno nisku ponudu čime su eliminisali ostale izvođače da sudjeluju na E-aukciji zbog čega je prvi ponuđač dobio najvišu cijenu. Sve detaljno obrazloženo u odluci Konkurencijskog vijeća BiH broj:UP-04-26-3-003-56/24 od 7.11.2024. godine. Smatram da je ovakvim postupanjem ponuđača nanescna šteta Općini Breza cca 100.000,00 KM predlažem da pravobranilaštvo pokrene postupak nadoknade štete od ponuđača koji su kažnjeni nakon pravosnažnosti rješenja.“

Nakon dostavljanja odgovora na vijećničko pitanje u Stručnu službu Općinskog vijeća i Općinskog načelnika ovo Pravobranilaštvo je dana 21.03.2025. godine primilo dopis Konkurencijskog vijeća BiH, broj: UP-04-26-3-003-95/24 od 18.03.2025. godine, u kojem je navedeno da je pred Sudom Bosne i Hercegovine pokrenut upravni spor protiv rješenja Konkurencijskog vijeća BiH broj: UP-04-26-3-003-56/24 od 07.11.2024. godine tako da navedeno rješenje još nije postalo pravosnažno.

U prilogu ovog dopisa dostavljamo vam kopiju navedenog dopisa.

Dostavljeno:

1x Naslovu
1x a/a





Broj: UP – 04-26-3-003-95/24
Sarajevo, 18.03.2025. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA BREZA
OPĆINSKO PRAVOBRANILAŠTVO
ZAVNOBIHA 6
71370 Breza

Bosna i Hercegovina
Federacija Bosne i Hercegovine
Zeničko-dobojski kanton
Općinsko pravobranilaštvo
BREZA
Primljeno: 21.03.2025.
Broj: _____

PREDMET: Odgovor na zahtjev za dostavu podataka, sa ispravkom
Veza vaš broj: R-02/25 od 10.03.2025. godine

Poštovani,

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 12.03.2025. godine zaprimilo vaš akt, broj i datum gornji, kojim tražite dostavu podataka u vezi sa rješenjem Konkurencijskog vijeća broj: UP – 04-26-3-003-56/24 od 07.11.2024. godine.


U skladu sa navedenim, obavještavamo vas da je pred Sudom Bosne i Hercegovine pokretnu upravni spor koji nije okončan, te rješenje još nije postalo pravosnažno.

S poštovanjem,


Dostavljeno:

- Naslov
- U spis





Služba za privredu
Broj: 02/1-13-23-715/2025
Breza, 17.03.2025.god.



**SLUŽBA OPĆINSKOG VIJEĆA I OPĆINSKOG NAČELNIKA
- OPĆINSKO VIJEĆE -**

Predmet: Odgovor na pokrenutu inicijativu, dostavlja se

Na 5. sjednici Općinskog vijeća Breza održanoj dana 28.02.2025. godine, u okviru vijećničkih pitanja, vijećnik Eldar Islamović, u pismenoj formi je pokrenuo vijećničku inicijativu koja glasi:

„Pokrećem inicijativu o postavljanju saobraćajnog znaka o zabrani kretanja za teretna vozila čija ukupna masa prelazi 10 tona, na skretanju za naseljeno mjesto Vrankamen. Naime mještani Vrankamena unazad 50 godina nisu imali asfaltiran put, međutim isti je prije 2 godine rekonstruisan od strane općine Breza, UNDP-a i stanovnika Vrankamena. Međutim već nakon 2 godine na istom asfaltu se primjećuju veća oštećenja usljed kretanja teretnih vozila čija ukupna masa prelazi 10 t. Stanovnici NM Vrankamen su zabrinuti ukoliko se ne poduzmu odgovarajuće mjere, da će u skorije vrijeme ostati bez asfalta, te da bi spriječili dalja oštećenja i osigurali sigurnost svih učesnika u saobraćaju, smatram da je neophodno i opravdano postaviti saobraćajni znak koji ograničava kretanje vozila ukupne mase do 10 t.“

U vezi pokrenute vijećničke inicijative dostavljamo sljedeći odgovor:

Shodno Zakonu o cestama FBiH („Službene novine FBiH“, broj: 12/10) javna cesta je svaka cesta koju svi mogu slobodno koristiti i kretati uz uvjete određene Zakonom o sigurnosti saobraćaja na cestama u BiH. Javna cesta se može odrediti za saobraćanje samo određene kategorije motornih vozila samo ukoliko postoji određena alternativna saobraćajnica za druge vrste saobraćaja ili ukoliko svojim tehničkim karakteristikama (uzdužni nagib, radiusi krivina, širina saobraćajnice) ne dozvoljava saobraćanje određene kategorije motornih vozila.

Obzirom na karakteristike naselja Vrankamen, njegov geografski položaj, ruralni karakter, neriješeno pitanje snabdjevanja ogrijevom, te tendenciju daljeg širenja naselja postavljanje traženog znaka bi uveliko otežao dalji razvoj naselja.

U prethodnom periodu, Općina Breza je izdala niz odobrenja za građenje u naselju Vrankamen, a svi investitori prilikom ishodovanja odobrenja za građenje infrastrukturnih objekata na području općine Breza su dužni platiti naknadu za uređenje građevinskog zemljišta shodno Odluci o građevinskom zemljištu Općine Breza, a sredstva prikupljena na osnovu iste koriste se za uređenje građevinskog zemljišta (izgradnju infrastrukture).

Nadalje, sva motorna i priključna vozila prilikom registracije plaćaju naknadu za korištenje javnih cesta prema Uredbi o visini godišnje naknade za javne ceste. Navedena naknada

predstavlja javni prihod i značajna finansijska sredstva koja su namijenjena za održavanje, zaštitu, obnovu, rekonstrukciju i izgradnju javnih cesta u Federaciji BiH.

Također, prema evidenciji Službe za privredu, dana 30.03.2022.godine, zajedno sa predsjednikom podružnice Vrankamen Grošo Namirom, zahtjevali ste da se izradi predmjer i predračun nužne sanacije puta Vrankamen kojim nisu obuhvaćene stavke iskopa loših tucaničkih materijala ispod postojećeg asfalta, već samo ugradnja završnih slojeva tucanika, kako bi se asfaltnim zastorom presvukla što veća površina saobraćajnice, te je tako i realizovano.

Shodno navedenom, Općina Breza kao upravitelj lokalnih i nekategorisanih puteva realizacijom Vaše inicijative, dovela bi sebe u nezavidnu situaciju te pokrenula moguće tužbe od strane investitora kojima su izdata odobrenja za građenje stambenih objekata u naselju Vrankamen.


S poštovanjem!

Obrađivač: Edvina Kadrić-Velić


Dostavljeno:
1 x Naslov
1 x a/a



Pomoćnik načelnika
[Signature]
Salih Hasanspahić



Služba za privredu
Broj: 02/1-13-23-830/2025
Breza, 17.03.2025.god.



SLUŽBA OPĆINSKOG VIJEĆA I OPĆINSKOG NAČELNIKA
- OPĆINSKO VIJEĆE -

Predmet: Odgovor na pokrenutu inicijativu, dostavlja se

Na 5. sjednici Općinskog vijeća Breza održanoj dana 28.02.2025. godine, u okviru vijećničkih pitanja, vijećnik Eldar Islamović, u pismenoj formi je pokrenuo vijećničku inicijativu koja glasi:

„Podnosim inicijativu o rješavanju problema sa potokom u ulici “Šehidska“ u MZ Sutješćica. Naime kroz navedenu ulicu protiče potok u kojem završavaju kanalizacione i otpadne vode iz MZ Sutješćica, prilikom nedavnih padavina desilo se da se navedeni potok izlio iz vlastitog korita, te potkopao put koji prolazi kroz to naseljeno mjesto što je dovelo do oštećenja na stambenim i pomoćnim objektima. Isti potok se prije nekoliko godina izlio na glavnu saobraćajnicu te ugrozio normalno odvijanje saobraćaja. Zbog navedenih događaja predlažem da se u konsultaciji sa stručnim licem provede ucjevljenje potoka, ili eventualno prokopavanje sa betoniranjem korita, kako bi spriječili ovakve probleme u budućnosti. Napominjem da je ovaj potok dugogoišnji problem.“

U vezi pokrenute vijećničke inicijative dostavljamo sljedeći odgovor:

Za rješavanje navedenog problema neophodno je izraditi glavni projekat ucjevljenja potoka od strane ovlaštene projektantske kuće. Nakon toga, na osnovu izrađenog projekta ovlašteni projektant izrađuje Elaborat/Studiju za izdavanje prethodne vodne saglasnosti u kojoj su obrađene konkretne aktivnosti koje se planiraju izvoditi u vodnom dobru. Tek po završetku navedene projektno-tehničke dokumentacije može se pristupiti ishodovanju prethodne vodne saglasnosti od strane nadležnog ministarstva a nakon iste pristupiti ishodovanju i urbanističke saglasnosti. Shodno urbanističko-tehničkim uslovima i po rješavanju imovinsko-pravnih odnosa pristupa se ishodovanju odobrenja za građenje.

Svako nasumično i djelimično postavljanje cijevi određenog promjera za sobom povlači niz odgovornosti shodno Zakonu o vodama Zeničko-dobojskog kantona.

S poštovanjem!

Obradivač: Edvina Kadrić-Velić

Dostavljeno:

1 x Naslov
1 x a/a





Služba za privredu
Broj: 02/1-13-23-713/2025
Breza, 17.03.2025.god.

Priloga	18	Uj-2025		
Org. jed.				Vrijednost

SLUŽBA OPĆINSKOG VIJEĆA I OPĆINSKOG NAČELNIKA - OPĆINSKO VIJEĆE -

Predmet: Odgovor na pokrenutu inicijativu, dostavlja se

Na 5. sjednici Općinskog vijeća Breza održanoj dana 28.02.2025. godine, u okviru vijećničkih pitanja, vijećnik Anel Rihčić, u pismenoj formi je pokrenuo vijećničku inicijativu koja glasi:

„Podnosim inicijativu da se petkom u trajanju pijace od 08:00 do 14:00 h, blokira saobraćaj za motorna vozila od raskrsnice kod Robota do zgrade Borca.“

U vezi pokrenute vijećničke inicijative dostavljamo sljedeći odgovor:

Zahvaljujemo Vam se na konstruktivnoj inicijativi koja će svojom realizacijom uveliko povećati sigurnost pješaka u vremenu održavanja pijace. Međutim, za realizaciju iste neophodno je postaviti saobraćajne znakove zabrane saobraćanja na navedenoj dionici uz adekvatne dopunske teble. Kako još nije proveden postupak javne nabavke radova redovnog održavanja i zaštite javnih cesta na području općine Breza, nemamo izvođača radova koji bi mogao postaviti neophodne znakove.

Služba za privredu će nakon provedenog postupka javne nabavke radova redovnog održavanja i zaštite javnih cesta na području općine Breza pristupiti realizaciji Vaše inicijative ukoliko u međuvremenu ne dođe do promjene lokacije održavanja pijace obzirom da je dio zemljišta na kojem se ista održava prodat te izdata urbanistička saglasnost za izgradnju poslovno-stambenih objekata.

S poštovanjem!

Obrađivač: Edvina Kadrić-Velić

Dostavljeno:


1 x Naslov

1 x a/a



Pomoćnik načelnika


Salih Hasanspahić



JAVNO PREDUZEĆE "KOMUNALNO" D.O.O. BREZA

UL. ZAVNOBiH- a br.6 71370 Breza

Broj: 2-559-1/25
Breza, 17.03.2025. godine.



➤ **Stručna služba Općinskog vijeća i Općinskog načelnika**

PREDMET: Odgovor na vijećničku inicijativu, dostavlja se-

VEZA: Vaš akt, broj: 01/1-02-639-8/25 od 05.03.2025. godine.

Poštovani,

aktom veze, dostavljena je vijećnička inicijativa od strane vijećnika Općinskog vijeća Breza, Osmana Salkića, a koja se odnosi na postavljanje korpi za smeće i otpatke na dionici od Trga rudara do gimnazije.

Shodno navedenom, obavještavamo Vas da će JP "Komunalno" d.o.o. Breza u narednom periodu izvršiti nabavku, utvrđivanje lokacija zajedno sa nadležnom općinskom službom te na kraju i postavljanje korpi za otpatke kako bi se higijena i čistoća na ovom dijelu grada unaprijedila.


Uprava preduzeća će razmotriti predloženu vijećničku inicijativu te u narednom periodu pronaći rješenje na obostrano zadovoljstvo, a sve u skladu sa važećim zakonskim propisima.

S poštovanjem!

Obradio: Zahirović Enes

Dostavljeno:
1 x Naslov,
1 x a/a

Direktor
ma. Ermin Likić, dipl. ing. maš.



Služba za privredu
Broj: 02/1-13-23-714/2025
Breza, 17.03.2025.god.

SLUŽBA OPĆINSKOG VIJEĆA I OPĆINSKOG NAČELNIKA - OPĆINSKO VIJEĆE -

Predmet: Odgovor na pokrenutu inicijativu, dostavlja se

Na 5. sjednici Općinskog vijeća Breza održanoj dana 28.02.2025. godine, u okviru vijećničkih pitanja, vijećnica Amina Tabaković, u pismenoj formi je pokrenula vijećničku inicijativu koja glasi:

„U prethodnom sazivu OV podnešena je vijećnička inicijativa za postavljanje ležećeg policajca u MZ Založje u neposrednoj blizini firme Termo-beton prema greblju u Mahali. U prethodnom periodu svjedoci smo sve veće frekvencije saobraćaja na ovom putu i to velikih kamiona ali i drugih učesnika u saobraćaju koji se kreću neprilagođenom brzinom te ugrožavaju druge učesnike u saobraćaju.“

U vezi pokrenute vijećničke inicijative dostavljamo sljedeći odgovor:

Objekti za smirivanje saobraćaja koji uključuju i umjetne izbočine („ležeće policajce“) postavljaju se u skladu sa Pravilnikom o postavljanju posebnih objekata na cesti radi smanjenja brzine kretanja vozila i Smjernicama za projektovanje, građenje, održavanje i nadzor nad putevima.

Općina Breza je u budžetu za tekuću godinu planirala određena sredstva za izradu saobraćajnih projekata i elaborata smirivanja saobraćaja na pojedinim dionicama, te će shodno finansijskim sredstvima u toku godine biti proveden postupak javne nabavke za usluge izrade istih. Tek nakon izrade elaborata može se pristupiti postavljanju predmetnih objekata za smirivanje saobraćaja u skladu sa elaboratom.

S poštovanjem!

Obrađivač: Edvina Kadrić-Velić

Dostavljeno:

1 x Naslov

1 x a/a



Pomoćnik načelnika

Salih Hasanspahić



Služba za finansije, inspeksijske poslove i opću upravu

Broj: 03/1-2-33-716/25
Breza, 17.03.2024.godine

**STRUČNA SLUŽBA OPĆINSKOG VIJEĆA
I OPĆINSKOG NAČELNIKA**
Ovdje

Predmet: Odgovor na vijećničku inicijativu, dostavlja se.-

Na 5. redovnoj sjednici Općinskog vijeća Breza održanoj 28.02.2025. godine, u okviru vijećničkih pitanja i inicijativa, vijećnica Mirha Velić je u pismenoj formi uputila inicijativu, koja glasi:

„Na dijelu puta Opreć-Trtorići na mjestu tzv.Zaokret, lokalni mesari dovlače animalni otpad (ostatke uginulih i zaklanih životinja), gdje nakon toga psi lugalice raznose isti oko kuća u naselju. Stanovnici naselja Opreć su zabrinuti za svoje zdravlje i zdravlje svoje djece koja se igraju u prirodi. Gore navedeni problem nije problem samo naselja Opreć nego i općine Breza. Zahtjeva se hitno poduzimanje mjera za gore navedeni problem.“

Vežano za vijećničku inicijativu sanitarno - komunalni inspektor Općine Breza daje sljedeći odgovor:
Po zaprimanju navedene inicijative inspektor je izvršio inspeksijsku kontrolu na predmetnoj lokaciji i tom prilikom utvrdio da se radi o svjesno stvorenoj divljoj deponiji otpada, od strane nesavjesnih pojedinaca. Kada je u pitanju vrsta otpada, na istoj su zastupljene sve vrste otpada, ne samo animalni otpad. Radi se ogromnim količinama odloženog otpada, na veoma nepristupačnom terenu. Predmetna lokacija kao takva zaista predstavlja izvor bolesti i zaraze, ali i ekološku bombu u srcu prirode, obzirom da ispod iste protiče prirodni potok.

Kako je nepropisno odlaganje otpada česta pojava u našem gradu, a da bi inspektor mogao poduzimati radnje iz svoje nadležnosti, u konkretnom slučaju kazniti nesavjesne počiniocima koji svoj otpad nepropisno odlažu, mora da ima dokazni materijal. Međutim, uprkos uspostavi Viber broja općinske inspekcije Breza, na koji građani 24 sata dnevno mogu slati fotografije i tekstualne poruke (opis radnje koja se prijavljuje, datum i vrijeme, mjesto i osoba koja je počinila nedozvoljenu radnju – ukoliko je poznato, registarski broj vozila iz kojeg je prekršaj počinjen i sl.), građani se rijetko odlučuju prijaviti prekršaj, iako je anonimnost osobe koja prijavljuje zagarantirana.

Ono što ćemo pokušati u narednom periodu, u saradnji sa nadležnim komunalnim preduzećem, pristupiti koliko toliko uređenju predmetne lokacije (istu je nemoguće očistiti pomoću radne mašine jer je teren jako nepristupačan), u smislu ručnog izvlačenja što više odloženog otpada, te postavljanjem fizičkih prepreka u putnom pojasu, kao i tabli upozorenja o zabrani istresanja smeća.

S poštovanjem,

Dostavljeno :

- 1x Naslovu
- 1x Pomoćnik načelnika 03/1
- 1x Evidencija
- 1x a/a




Esada Šehović, dipl.ing.hem.



Adresa: Bogumijska br.1 tel: 032/786-061 centrala, 032/786-027 inspekcija,
fax: 032/786-027, 032/786-041
e-mail: inspekcija@breza.gov.ba www.breza.gov.ba






JAVNO PREDUZEĆE "KOMUNALNO" D.O.O. BREZA

Ul. ZAVNOBiH- a br.6 71370 Breza

Broj: 2-558-1/25
Breza, 17.03.2025. godine.

➤ **Stručna služba Općinskog vijeća i Općinskog načelnika**



PREDMET: Odgovor na vijećničku inicijativu,

VEZA: Vaš akt, broj: 01/1-02-639-3/25 od 05.03.2025. godine.

Poštovani,

aktom veze, dostavljena je vijećnička inicijativa od strane vijećnice Općinskog vijeća Breza, Mirhe Velić, a koja se odnosi na animalni otpad na dijelu puta Opreć-Trtorići mjesto "Zaokret".

Shodno navedenom, obavještavamo Vas da JP "Komunalno" d.o.o. nema u nadležnosti kontrole niti kažnjavanja osoba koje vrše nelegalno odlaganje otpada. Komunalno sanitarni inspektor je prva osoba u lancu koja može pristupiti rješavanju problema. Radnje koje naše preduzeće može poduzeti se odnose na postavljanje tabli upozorenja o nelegalnom odlaganju otpada ili eventualnoj sanaciji dijela ove nelegalne deponije koju je zbog svog geografskog položaja vrlo teško do kraja očistiti jer zahtjeva dosta pripremnih radova.

Uprava preduzeća će razmotriti predloženu vijećničku inicijativu te u narednom periodu pokušati pronaći rješenje na obostrano zadovoljstvo, a sve u skladu sa važećim zakonskim propisima.

Obradio: Zahirović Enes

Dostavljeno:

1 x Naslov,

1 x a/a



Direktor

ma. Ermin Likić, dipl. ing. maš.

Por.br.01000312, Općinski sud Zenica br.rj:U I-2109/05
PDV broj: 218087170004, ID broj: 4218087170004,
Tel: +387 32 78 34 91, fax: +387 32 78 36
e-mail: jpkbreza@bih.net.ba, jpkbreza@gmail.ba

1010000071262640 Privredna banka
1344701006764927 Asa Banka
3389002207948542 UniCreditBank
1542602003760511 IntesaSanPaoloBankad.d.